

आकाशवाणी

खबरां श्रुति खजूरिया कोला

1. तमिलनाडू दे करूर च कल मची दी नस्सभज्ज आहली घटना च मरोने आहलें दी गिनतरी 39 तगर पुज्जी, राज्य सरकार नै मरोने आहलें दे परिवारें लेडू 10-10 लक्ख रपे दी सिंधी सहायता दी घोषणा कीती। राष्ट्रपति, प्रधानमंत्री ते होर केई नेताएं हादसे पर दुख प्रगट कीता।
2. प्रधानमंत्री नरेंद्र मोदी होर अज्ज आकाशवाणी पर अपने रेडियो कार्यक्रम मन की बात राएं देश विदेश च रौहने आहले लोकें कन्नै बचार सांझे करडन। एह इस माहवार रेडियो कार्यक्रम दी 126मी किशत होग।
3. विदेश मंत्री डॉ. एस. जयशंकर होरें संयुक्त राष्ट्र महासभा गी संबोधित करदे होई आखेआ ऐ जे भारत दा इक गोआंडी दुनिया भरै दे आतंकवाद दा केंद्र ऐ।
4. रूस नै इक बारी परतियै भारत गी संयुक्त राष्ट्र सुरक्षा परिषद च स्थाई सीट लेई समर्थन दिता ऐ।
5. कोलंबो च आयोजित 7में SAFF अंडर-17 फुटबाल प्रतियोगिता च भारत नै बांगलादेश गी 4-1 कन्नै हराइयै खताब अपने नांस करी लैता ऐ।

6. ते क्रिकेट च अज्ज एशिया कप दे फाइनल च भारत ते पाकिस्तान दियां टीमां आमने-सामने होडन।

<><><><><><>

Death-Toll TN

तमिलनाडू दी करूर च कल मची दी नस्सभज्ज आहली घटना च मरोने आहलें दी गिनतरी बधियै 39 तोड़ी पुज्जी गेडू ऐ जिसले जे 50 कोला मते घायल लोकें दा इलाज बक्ख-बक्ख अस्पतालें च चलै करदा ऐ। तमिलनाडू दे मुखमंत्रि एम.के स्टालिन होरें मरोने आहलें दे परिवार आहलें लेई 10-10 लक्ख रपे दी सहायता दी घोशणा कीती ऐ। एहदे अलावा जिनें लोकें दा आई.सी.यू च इलाज चलै करदा ऐ, उनेंगी इलाज लेई 1 लक्ख रपे दी सहायता दिती जाहग। मुखमंत्रि होरें हादसे दी जांच लेई हाई कोर्ट दी रिटायर्ड जज अरुणा जगदीशन हुंदी अध्यक्षता च इक मिम्बरी जांच कमीशन खडेरने दी घोशणा कीती ऐ। एह नस्सभज्ज इक रैली दरान मची ही जेहड़ी मशहूर अभिनेता ते राजनेता विजय आसेआ आयोजित कीती गेई ही। राष्ट्रपति द्रौपदी मुर्मू, उपराष्ट्रपति स.पी राधाकृष्णन ते प्रधानमंत्री नरेंद्र मोदी होरें इस घटना पर दुख ते बसोस जाहिर कीता ऐ।

<><><><><><>

PM-MKB

प्रधानमंत्री नरेन्द्र मोदी होर अज्ज दिनै 11 बजे अपने माहवार रेडियो कार्यक्रम “मन की बात” दे राएं देश-बदेश च रौहने आहले लोकें कन्नै अपने बचार सांझे करडन। एह इस कार्यक्रम दी 126मीं किशत होग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नी आकाशवाणी खबरें दी वेबसाइट ते न्यूज़ ऑन ए.आई.आर मोबाइल ऐप ते डीडी न्यूज़, आकाशवाणी न्यूज़, प्रधानमंत्री हुं’दे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी दे जम्मू चैनल पर इस प्रसारण दे तुरत मगरा एहदा डोगरी अनुवाद प्रसारित कीता जाहग। डोगरी अनुवाद राती 8 बजे इक बारी परतियै स्हाड़े इस्सै चैनल पर मीडियम वेव 303 मेगाहर्टज यानि 990 किलोहर्टज ते एफ.एम 100.3 मेगाहर्टज पर प्रसारत कीता जाहग।

<><><><><><>

EAM

विदेश मंत्री डॉ. एस जयशंकर होरें आखेआ ऐ जे भारत दे कोल इक ऐसा गोआंडी मुख ऐ जेड़ा वैश्विक आतंकवाद दा केंद्र ऐ ते भारत नै आजादी मगरा गै आतंकवाद आहली चुनौती दा सामना कीता ऐ। संयुक्त राष्ट्र महासभा दे 80में इजलास गी संबोधित करदे होई डॉ. एस. जयशंकर होरें इस गल्ला पर जोर दिता जे दहाके थमां दुनिया च होए दे बड्डे आतंकवादी हमले दियां जड़ां उस्सै इक मुख कन्नै जुड़दियां रेइयां न। उनें आखेआ जे संयुक्त राष्ट्र दी आतंकवादिएं दी सूचि च ओदे नागरिक शामिल न। विदेश मंत्री होरें इस बरे

अप्रैल च होए दे पहलगाम आतंकवादी हमले दा बी जिक्र कीता जेदे च बेदोसे सैलानिएं दी हत्या करी दिती गई ही। उनें आखेआ जे भारत नै आतंकवाद खलाफ अपने लोकें दी राखी आस्तै अपने अधिकार दा इस्तेमाल कोला ते अपराधिएं गी कटघरे च खड़ा कीता। डॉ. जयशंकर होरें एह बी आखेआ जे संयुक्त राष्ट्र इस्सलै संकट दी स्थिति च ऐ। उनें आखेआ जे सुधारें दा बरोध संयुक्त राष्ट्र दी विश्वसनीयता घट्ट होने दी मुख्क वजह रेई ऐ। उनें परिषद दी स्थाई ते अस्थाई दौनें सदस्यता दे विस्तार दा आह्वान कीता।

<><><><><><>

Seva Parv

मुख्क भरै च चलै करदे सेवा पर्व दे सिलसिले च अज्ज अस गल्ल करने आं समाजी सुरक्षा दी जे किस चाल्ली मोदी सरकार नै अटल पेंशन योजना राएं भारत दे असंगठित क्षेत्र दे मजूरें, कम्मगारें गी समाजी सुरक्षा उपलब्ध कराई ऐ। 2015 च शुरू कीती गेदी इस सकीम दा लाह लगभग हर इक नागरिक हासल करा करदा ऐ जेहदे तैहत हर म्हीने इक लौहकी ज्नेई रकम जमा कराइये 60 साल दी उम्र च ओह पेंशन दा हकदार बनी सकदा ऐ। एह इक दिल बधाने आहली गल्ल ऐ जे इस योजना दा लाह हासल करने आहले श्रमिकें च 48 प्रतिशत कोला मतियां महिलां न जेदा मतलब एह होआ जे स्हाड़ी नारी शक्ति समाजी सुरक्षा दा महत्व खरी चाल्ली समझा करदी ऐ ते एहदे लेई सरकार आसेआ कीती जा' रदिएं बवस्थाएं दा फेयदा हासल करा करदियां न। डिजिटल

सरिस्ते राएं एह स्कीमां ग्राएं-ग्राएं ते दूर-दरेडे इलाकें तोड़ी पुज्जै करदी ऐ ते हर गरीब असंगठित मजूर बी हून, पेंशन दा हकदार बनै करदा ऐ। हर लाभार्थिं एहदे लेई सरकार दा आभार प्रगट करै करदा ऐ।

<><><><><><>

Russia India UNSC Seat

रूस नै संयुक्त राष्ट्र सुरक्षा परिषद च भारत दी स्थाई सदस्यता दा इक बारी परतिए समर्थन कीता ऐ। संयुक्त राष्ट्र महासभा दे 80में इजलास च रूस दे विदेश मंत्री सर्गेई लावरोव होरें वैश्विक स्थितिं गी ध्यानै च रखदे होई सुरक्षा परिषद च सुधार दी जरूता पर जोर पाया। उनें आखेआ जे सुरक्षा परिषद च एशिया, अफ्रीका ते लैटिन अमरीका थमां प्रतिनिधित्व बदाने आसतै ब्राजील ते रूस भारत दी स्थाई सदस्यता दा रूस समर्थन करदा ऐ। एहदे कन्नै गै रूस संयुक्त राष्ट्र सुरक्षा परिषद दा इकमात्र स्थाई सदस्य बनी गेआ ऐ जिन्नै स्थाई सदस्यता आस्तै भारत दा समर्थन कीता ऐ।

<><><><><><>

HP Cold Desert

हिमाचल प्रदेश स्थित सर्द रेगीस्तान जैवमंडल रिजर्व गी यूनेस्को दे विश्व जैवमंडल रिजर्व नेटवर्क च शामिल करी लैता गेआ ऐ। चीन दे हांगजाउ च आयोजित विश्व वायोस्फीयर रिजर्व कांग्रेस च एह घोशणा कीती गई एहदे च सतत विकास दे इक माडल दे तौर पर इस क्षेत्र दे महत्व गी रेखांकित कीता

गेआ। एह बायोस्फेयर रिजर्व भारत दे पच्छमी हिमालय च लगभग 7 जहार 700 मुरब्बा किलोमीटर च फैले दा ऐ। इसी बरे 2009 च पैहली बारी राष्ट्री वायेस्फीयर रिजर्व घोघित कीता गेआ।

<><><><><><>

SAAF-U 17

कोलंबो च SAFF U-17 फुटबॉल प्रतियोगिता च भारत नै पेनल्टी शूटआउट च बांगलादेश गी 4-1 कन्नै हराइए 7मीं बारी खिताब जिती लैता ऐ। भारत Hald fime तगर 2-1 कन्नै अग्गे हा पर बांगलादेश नै अखीरले मिनट च गोल करदे होई स्कोर गी 2-2 कन्नै बरोबर करी दिता।

<><><><><><>

National Athletics

राष्ट्री ओपन एथलेटिक्स चैंपियनशिप दे पैळले दिन कल रांची दे बिरसा मुंडा स्टेडियम च सीमा नै महिलाएं दी 5 जहार मीटर द्रौड़ च सुन्ने दा तगमा जित्तेआ। उत्थें गै संजना सिंह नै चांदी दा तगमा ते काजल कनवाड़े नै कैंs दा तगमा जित्तेआ। मर्दे दी 5 जहार मीटर द्रौड़ च प्रिंस कुमार नै सुन्ने दा, सुनील डावर नै चांदी दा ते अभिषेक नै कैंs दा तगमा जित्तेआ।

<><><><><><>

World Para Athletics

विश्व पैरा एथलेटिक्स प्रतियोगिता च नमी दिल्ली च भारत दे शैलेश कुमार नै मुख्य आस्तै पैहला सुन्ने दा तगमा जित्तेआ। बिहार दे शैलेश नै इक अशारिया 9-1 मीटर दी उच्ची छाल मारिए सुन्ने दा तगमा जित्तेआ। एहदे कन्नै गै उनें इक नमा चैंपियनशिप ते एशियाई रिकार्ड बनाया ते अपना अजं तगर दा बेहतरीन प्रदर्शन कीता। इससै मुकाबले च भारत दे वरुण सिंह भाटी नै कैंस दा तगमा जित्तेआ। भारती ट्रैक एथलीटें बी शानदार प्रदर्शन कीता। दीप्ति जीवनजी नै महिलाएं दे 400 मीटर मुकाबलेबाजी च 55 अशारिया 1-6 सैंकड दा समां लेइए चांदी दा तगमा अपने नांस कीता।

<><><><><><>

Asia Cup

एशिया कप टी-20 क्रिकेट दे फाइनल च अज्ज भारत दा मुकाबला पाकिस्तान कन्नै होगं एह मैच भारती समें मूजब रातीं 8 बजे शुरू होग। एह मैच दुबई च खेडेआ जाग। एशि कप दे 41 बरें दे इतिहास च एह पैहला मौका होग जिसलै दवें टीमां ुइनल खेडडन। भारत हुनै तगर 8 बारी एशिया कप दा खिताब अपने नांस करी चुके आ ऐ। इस बारी प्रतियोगिता च दवें टीमां त्रींस बारी आमने-सामने होडन।

<><><><><><>

Asia Cup

नमी पीढ़ी दे जीएसटी सुधारें तैहत केन्द्र सरकारें केई सारी चीजें पर टैक्स दी दरें गी घट्ट कीता ऐ ते इंदे च उपभोक्ताएं दे इस्तेमाल आहिलयां चीजां ते गड्डियां वगैरा बी मुख तौर पर शामिल न। जंदी 22 सितम्बर थमां घरें च इस्तेमाल होने आहली इलैक्ट्रानिक चीजें जि'आं एयर कंडिशनरें, डिश वाशरें ते बड्डी स्क्रीन आहले एलईडी टेलीविजनें पर जीएसटी दी दर गी 28 फीसद शा घटाइयें 18 फीसद करी दिता गेआ ऐ। इस्सै चाल्ली 350 सीसी तगर दे इंजन दी समर्थ आहले दो-पहिया वाहनें सने 1200 सीसी शा हेठली समर्थ दिएं लौहकी पेट्रोल कारें पर जीएसटी दी दर गी घटाइयें 18 फीसद कीता गेआ ऐ। इस गेंह दा मकसद एकड़ी चीजें गी मता किफायती ते पुज्जत आहला बनाना ऐ। इस गेंह दी सराहना करदे होई इक मुकामी बसनीक ने आखेआ

<><><><><><><>